

9. gr.

Reglur þessar eru settar samkvæmt heimild í lögum nr. 86 4. júlí 1985 um viðskipta-  
banka og öðlast þegar gildi.

*Viðskiptaráðuneytið, 26. maí 1987.*

**Matthías Bjarnason.**

*Tryggvi Axelsson.*

## REGLUGERÐ

### um hækkun bóta almannatrygginga.

1. gr.

Upphæðir greiddra bóta almannatrygginga samkvæmt lögum nr. 67/1971, um almanna-  
tryggingar, með síðari breytingum, skulu hækka frá 1. júní n.k. að telja um 2,85% frá því,  
sem þær eru 31. maí 1987.

2. gr.

Reglugerð þessi er sett samkvæmt 79. gr. laga nr. 67/1971 um almannatryggingar, með  
síðari breytingum.

*Heilbrigðis- og tryggingamálaráðuneytið, 22. maí 1987.*

**Ragnhildur Helgadóttir.**

*Jón Ingimarsson.*

## REGLUGERÐ

### um notkun glaðlofts við tannlækningar.

1. gr.

Tannlæknir hefur leyfi til að nota glaðloft við störf sín hafi hann lokið tilskildu námi,  
sem heilbrigðis- og tryggingamálaráðuneytið viðurkennir í því skyni, við Tannlæknadeild  
Háskóla Íslands.

2. gr.

Tannlæknir getur einnig öðlast slíkt leyfi, hafi hann lokið námi í notkun glaðlofts og  
glaðloftstækja, sem viðurkennt er af tannlæknadeild og ráðuneytinu.

3. gr.

Glaðloftsvélar, sem nota á hér á landi, skulu viðurkenndar af heilbrigðis- og  
tryggingamálaráðuneytinu. Þær skulu uppfylla eftirtalin skilyrði:

- Vera þannig úr garði gerðar, að sjálfkrafa lokist fyrir flæði glaðlofts, ef súrefni þrýtur.
- Stjórnkerfi vélar tryggi, að aldrei geti verið minna en 20% súrefni í loftblöndu til  
innöndunar.
- Rúmtak öndunarbelgs glaðloftsvélar skal ekki fara fram úr 1,5 lítra.
- Glaðloftsvél skal vera búin útsogskerfi, sem fjarlægir útöndunarloft sjúklings út úr húsi.

Auk þessa skal ávallt vera til staðar innan seilingar handvirkur öndunarbelgur (Ambu-  
bag).

4. gr.

Hvenær sem talin er þörf á, og eigi sjaldnar en árlega, skal mæla hlutfall súrefnis og glaðlofts frá vél og gera lekaprófun á henni.

5. gr.

Brot á reglugerð þessari varða viðurlögum þeim, sem um getur í 15. gr. laga nr. 38/1985 um tannlækningar.

6. gr.

Reglugerð þessi er sett með stoð í lögum um tannlækningar nr. 38/1985 og öðlast þegar gildi.

*Heilbrigðis- og tryggingamálaráðuneytið, 25. maí 1987.*

**Ragnhildur Helgadóttir.**

Jón Ingimarsson.

## AUGLÝSING

### um staðfestingu á aðalskipulagi Garðabæjar.

Samkvæmt skipulagslögum nr. 19 21. maí 1964 hefur ráðuneytið hinn 14. maí 1987 staðfest uppdrátt af aðalskipulagi Garðabæjar.

Uppdráttur þessi hefur hlotið þá meðferð sem lög nr. 19/1964 gera ráð fyrir og hefur verið samþykktur af bæjarstjórn Garðabæjar og skipulagsstjóra ríkisins.

*Félagsmálaráðuneytið, 14. maí 1987.*

**Alexander Stefánsson.**

Hólmfríður Snæbjörnsdóttir.

## REGLUGERÐ

### um afnám banns við línu- og togveiðum á Breiðafirði.

1. gr.

Frá og með 1. júní 1987 er felld úr gildi reglugerð nr. 436 4. desember 1985 um bann við línu- og togveiðum á Breiðafirði.

2. gr.

Reglugerð þessi er sett samkvæmt ákvæðum laga nr. 81 31. maí 1976, um veiðar í fiskveiðilögsögu Íslands til þess að öðlast þegar gildi og birtist til eftirbreytni öllum þeim sem hlut eiga að máli.

*Sjávarútvegsráðuneytið, 29. maí 1987.*

F. h. r.

**Jón B. Jónasson.**

Pórður Eyþórsson.